

չափն Ֆարենայդայ ց'19° ընդ զոյիւ (— 26° Ռեօ-միւրի) . ոչ ինչ պահաս թուի և 'ի բարձրաւանդակս Գարապաղու, Վանայ և Կորդուաց . արևմտակողմն միջին և հարաւային Հայոց բարեխառնագոյն կամ ջերմագոյն է . նոյնպէս և դաշտակողմն արևելեան աշխարհին և կողմնք Գանձակայ, ուր և ձմերոցք էին թագաւորացն Հայոց , յՈւտի նահանգի , և ա- նասպան Մուղան , խորածորք ինչ Կորդուաց և կող- մանք Տիարպէքիրու : — Բայց զարմանալի այս է , զի սահման մշտնջենաւոր սառաւաններից որ 'ի Կովկաս ստորև է քան զ'10000' , յԵւրոպա քան զ'9000' և 'ի Պիւրենեայս քան զ'8000' անդամ , 'ի ցրտագոյն կող- ման անդ հիւսիսային Հայոց բարձր է քան զ'13000' . որպէս զի ամառանի զերծանին 'ի ձեանց ամենայն լե- ըրնք Հայոց՝ բաց յաւազ Մասեաց , և յԱրագածու խի կատարս (128) ոչ նշմարի ձիւն , այլ 'ի խոռոչս ուրեք . զարմանալի և այս զի հարաւայնագոյն լեքնք Պինկէօլայ և Քրդաստանի ձիւնապատք են 'ի 10500 ոտից և 'ի վեր : Պատճառ օտարակերպ իրացս՝ բը- նուծիւն քարանցն է և սևուծիւն նոցին՝ որ առաւել կրէ զջերմութիւն , այլ և կոնաձև անջատ միայնութիւն նոցին՝ որով ամենուտ ընդունին զճառագայթս . ըստ ոմանց և ներքին հրակիր զօրութիւն երկրին : — Ի ջերմագոյն կողմանս՝ մարտ ամիս նշան տայ դարնայ- նոյ , այլ 'ի հասարակի յապրիլի բանին դրունք նորին և երևին կանուխք բուսոց , և 'ի վերջ կոյս նորին ար- կանի սերմն . 'ի մայիսի ծաղիկն ծառք պտղատուք և տերեք արձակին . յայնքամ ելանեն անգէորդք 'ի կողս լեքանց և յեմակն , որք ամով յառաջ գեգեքերն 'ի ջերմահալիս խորանիստ վայրաց , և յետ ամոյս է- լանեն 'ի սարաւանդակս և 'ի բարձունս , և արածեն անդ զամիսս չորս . բայց 'ի Կարին է զի և 'ի յունիսի տագնապեցուցանէ ցուրան , և 'ի գիշերի պաղն ջուր . և մինչ այն ինչ գեռ արձակեալ են 'ի նմա տերեք և արգիւնք անդատանայ՝ 'ի հովիտս թորթումայ հա- սունանայ կեռաս , և մինչև հասկաց ուռձացեալ 'ի նմա՝ յերջնկայ ատրոսացեալ մերձին 'ի հունձս : Զհետ երկար ձմերայնոյ հասանէ փութով ամառն հզոր , հա- մառօտելով զգարուն . և 'ի սուղ ժամանակի երկից ամսոց (1) բողբոջէ , գալարանայ , ծաղիկ և պտղա- բերէ երկիրն սեւահող և արգաւանդ . յԵրասխեան դաշտին կանխն հունձք քան 'ի կողմանս Կարնոյ , և խաղող 'ի սահմանս Երևանայ վաղ հասունանայ քան 'ի բարեխառնն Պոնտոս , քանզի զօրանայ յոյժ տապն , և աստիճան ջերմութեան բարձրանայ յԵրևան քան զ'100° (Ռեօմիւրի 30°) որպէս զի իբրև 120° զանա- զանիլ օդոց անդ 'ի խոր ձմերայնի և ամառանոյ : Բայց 'ի Կարին չեն այլքան սաստիկ հակառակքն : Զջերմագին աւուրս յաջորդէ աշուն ոչ շատ երկար քան զգարուն , և տեղի տայ ձմեքան : Եղանակս այս ձիւնաշատ է 'ի Հայս և հիւսիսաշրենչ . դարուն անձ- րեւաւատ և բարեխառնեալ արևմտեան հողմով , ա- մառն երաշտ և հարաւախառն արևելեան հողմով

չնչեալ . և զի ոչ սակաւ ուրեք նուազէ ջուր և գետք 'ի խորուջ կան , բազում աշխատութեամբ և ճար- տարութեամբ ոռոգեն զերկիր աղբի աղբի ջրագար- ձիւք : Օդք 'ի հասարակի անախտք են և առողջա- սունք , բաց յերևանեան կողմանց . և յերկարակեցու- թեամբ բնակչաց բազում կողմանց վկայի այս . տենդ և հարբուխ միայն են հասարակ անտք երկրին : Բայց ոչ գտաւ զերծ և 'ի մաղձախտէն (քոլերա) , որպէս և 'ի սրածուծեանց ուստէք 'ի հնուսն :

27 . ԲՈՒՍԱԲԵՐՈՒԹԻՒՆ Հայաստան աշխարհի կարի բարգաւաճ է , օժանդակութեամբ պատուական հօդոյն և ջրոց և ամառնային ջերմով . այլ 'ի սակի եր- կարութեան ցրտոյ ոչ բաւէ բերել զբերս հարաւային աշխարհաց , և թափուր է յանտառաց բազում ուրեք . սակայն կարևոր բոյսք և դաշարիք և արդիւնք ոչ միայն առատք և հասարակածաւաք են , այլ և գտանին 'ի բարձունս՝ յոր յԵւրոպա ոչ ժամանեն . զի և ցորեան պատուական լինի 'ի Կարին 'ի 5800' բարձու , և 'ի կողմանս Պինկէօլայ և Վանայ ց'6300' , ընդ նմին և դարի . ուր յԵւրոպա դարի հողու ժամանէ 'ի 5200' 'ի հարաւակողմն Պիւրենեայց , այլուր և ոչ 'ի 4000' , իսկ ցորենոյ ցածագոյն ևս են սահմանք . և այգիք որ յԵւրոպա չբարձրանան քան զ'2500' , 'ի Հայս գտա- նին յԱրարատեան դաշտի 'ի 4250' , և 'ի Մասիս 'ի 4013' , իսկ 'ի կողմանս Վանայ ց'5100' : Ըստ այսմ օրինակի և ծառք վայրիք . կաղամախ 'ի բարձրաւան- դակին Կարնոյ գտանի 'ի 6000' բարձու , և բարտի որ յԵւրոպա չանցանէ ըստ 5500' , 'ի Փոքրն Մասիս աճէ յ'7800' և 'ի Լեքին Սուկաւայ ց'8200' բարձու : Բայց որպէս կանխեցաք ասել՝ սակաւաքայնայ և Հայ- աստան , և ծառք անտառի ոչ յոյժ յաղթք և բարձ- րաբերձք . յաճախագոյն վայրի ծառք 'ի Հայս են բաք- տի , ուռենի , փշատենի , կաղամախ , և կաղամախ երե- ռուն (populus tremula) և սօսի՝ մանաւանդ յարևե- լակողմն . նուազագոյն են կաղնիք և պողի , եղևինք , յակրի և գիհի , արքակաղնի և այլ ծառք . ընդ որս 'ի ցածագոյն վայրս գտանին և մուրտ և տօստի և դափնի , և մայր փայտք , շոճի և փիճի 'ի հարաւակող- մանս : Բայց գոն և անտառք 'ի կողմանս Խաղտեաց , 'ի Սողանու լեքինս ընդ մէջ Տայոց և Արարատայ , 'ի Գուգարս ('ի Բամբակի և այլն) , յԱրցախ ընդար- ձակ անտառք և 'ի Գարապաղ . իսկ յայլ կողմանս նուազուրեք և փոքուրեք , որպէս յԱլճինիս , 'ի կողմանս Ամբայ և Բաղիշու , այլ և 'ի Գ Հայս , յորս են կաղ- նիք , նոճիք , հայկիք , եղևինք : Ի լեքինս անջրպետս ա- կանց Արածանուոյ և Երասխայ են անտառք կամ մա- ցառք թխտենեաց , և 'ի հարաւոյ Քէլիկետիկ լե- քանց յերեզս Կէօքսուր և Բորլուի՝ մացառք մամ- խեաց . ոչ սակաւ թփուաք են 'ի կողմանս Օլթեայ և Կապիմանայ և առ արիւմբք Ճորտի՝ ուր և անտառք իսկ : — Լեռնաստորտ կամ ստորալպեայ (subalpinos) բոյսք ժամանեն 'ի Հայս ց'8800' , այլ նուազուրեք են . իսկ բուն լեռնաբոյսք կամ ալպեայք (alpinos) ա- ռատք են յոյժ և ժամանեն ց'11000' , և բազմազա- նագոյնք են քան զկովկասայինս , և գտանին 'ի նոսա ոչ սակաւ յայտնատերմն բոյսք (phanérogame) , որք յալպեայս Եւրոպայ կամ ոչ բնաւ կամ դուն ուրեք

(1) Իմա Գաբընյանն կոչեցեալ . զի լինի 'ի Հայս և Ա- ընդան սերմնարկութիւն՝ որ հնձի 'ի յաջորդ ամառան կամ յաշնայնի :